



Vereniging tót instandhaojing van de Limburgse dialecten en volkscultuur

## Nuutsbreef , juli/augustus 2023

Bèste Veldeke minse,

### 1. Vekansie

Noe effe vekansie! Neet persé ver weg, mer effe get anges doon den Veldeke. In september gaon w'r weer verder. Óm te beginne mit de dialekmès bie de kepel op Sjaelberg en 't väörlaeze väör de jong kènjer op maondig 18 september in de bibliotheek.

Rondj 15 september krig g'r ouch weer 'n nuuj nummer van Veldeke Bekèt.

### 2. Dialekmès op Sjaelberg

Väör informatie äöver de oktaaf bie de kepel, wo dees dialekmès ingepasj is, laes oos väörige Veldeke Bekèt. Ein bezeuk wille w'r uch van herte aanbevæle ouch al ómdet d'r vanalles aan weurtj gedaon óm dees viering gooij vórm te gaeve. Dit jaor weer zal de zanggroep Amami van St.Joas weer de leedjes verzörge. Kómtj dus es det effe kan op zaoterdig 2 sept. óm 17.30 oer nao de paviljoentent achter de kepel op Sjaelberg.

### 3. Rabo Clubsupport

Ouch dit jaor zal weer 'n actie ónger de naam Rabobank Clubsupport gehaoje waere. Net wie väöl anger vereniginge zuutj Veldeke dao-in de mäögelikheid de kas get extra aan te völle. Daoväör is belangriek det zoaväöl mäögelik leje hun stöm oetbrènge op VKE, want det bepaaltj de huuegte van de oetkieëring. Det stömmme is dit jaor tösse 4 en 26 september. Mer 't begintj mit 'ne stap dae g'r noe al kèntj zette nl. opgave es lid van Rabobank. Waem neet lid is, kan neet aan de stömming mitdoon.

G'r zeentj neet automatisch ouch lid es g'r 'n raekening höbtj bie de bank! Lidmaatsjap opgave kan es g'r op de site zeentj wo g'r de betalinge doontj. G'r verbèntj uch tót nik, mer de bank stuurtj uch in 't vervolg de berichte van de bank (mesjen waal henjig noe 't bezeuke van kentoare neet mieë kan), dus ouch in september de aankondiging van 't stömmme. Op Veldeke natuurlik!

Mesjen kèntj g'r ouch angere, femilieleje en vrunj aanspaore óm bie 't oetbrènge van hun stöm ouch aan Veldeke te dènke.

### 4. Väörlaeze in de Bieb.

Nao oproop höbbe zich 4 leje gemeldj óm ouch aaf en toe te kómme väörlaeze väör 4-7 jaorige kènjer in de Bieb/Laeswinkel aan de Bäävestraot. Dao kómme edere 3<sup>e</sup> maondig van de maondj (groat-)aojers mit kènjer loestere nao 'n verhaol van 16.00 en 16.30 oer.

Names 't bestuur, Ton van Wegberg